

MAUTALI MO E VILI. MUKAMUKA TUGA NĪ E 123.

Ko e tau vili a nei – ke maeke a koe ke fai talahauaga ki a lautolu ka takitaki e motu mo e pūhala vili ke vili aki e tau Palemene anoiha. Mukamuka e vili. Muitua nī ke he tau papahi nā ne tolu.



FAKAMAU VILI MOGONAI KE VILI!

KUA LATA A KOE KE FAKAMAU VILI KAEKE KO E:

- Tagata fai totouaga ko e tagata Niu Silani po ke tagata nofomau a koe; mo e
- 18 po ke motua atu; ti
- Nofomau i Niu Silani ke he taha katoa e tau.

MUKAMUKA E FAKAMAU VILI. FAKAPUKE NOA NĪ E LAUPEPA FAKAMAU VILI. MOUA TAHA LAGAKI MOGONAI KE HE PŪHALA:

- Tohi ti fakafano noa ai fai totogi haau a higoa mo e matakaina ke he 3676 he telefoni utafano
- Finatu ke he www.elections.org.nz po ke www.ivotenz.org.nz
- Telefoni ai totogi 0800 36 76 56
- Finatu atu ke he ha PostShop

Ua toka ke he magaaho fakamui. Fakamau vili he magaaho nai ke fakamukamuka aki haau a vili ka hoko mai e aho vili.

Kaeke ke hiki haau a kaina ti kua lata a koe ke liu fakamau vili ke fakafoou haau a tau talahauaga.



MUKAMUKA E VILI

TAATU HAAU A LAUPEPA FAKAMUKAMUKA VILI KA FINATU A KOE KE VILI. KE FAKAMUKAMUKA AKI HAAU A VILI.

To moua e koe e taha laupepa Fakamukamuka vili kaeke kua fakamau vili tuai a koe (taha e mahina to hoko e vili).

To moua e koe e taha laupepa Fakamukamuka vili kaeke kua fakamau vili tuai a koe (taha e mahina to hoko e vili).

To fai matakavi vili tata atu ke he haau a nofoaga he aho ka vili ai.

Maeke a koe ke vili tuai, kaeke kua nākai maeke a koe ke hoko atu ke he fale vili he matakavi ne nofo ai a koe, he aho vili.

TO FAI TAGATA GAHUA KE LAGOMATAI ATU KI A KOE KAEKE KUA MANAKO LAGOMATAI A KOE PO KE TAATU TAHA HE HAAU A MAGAFAOA MO KOE.



KO E MAGAAHO KA VILI AI A KOE

KO E TAU NAI, TAHA E HŪHŪ KUA TAUTEUTE KE VILI KI AI HE MAGAAHO TAHA IA KA FAKAHOKO AI E VILI.

To ua e laupepa vili ka atu ki a koe ka finatu a koe ke vili;

1. **Ko e laupepa lanu fuamoli ma e Viliaga Lahi** – ke vili a koe ke he matakau mo e tagata kua manako a koe ke eke mo hukui haau i loto he Palemene
2. **Ko e laupepa lanu fuahoi ma e Hūhū lalafi ki luga** – ke iloa aki haau a tau talahauaga ke he tau pūhala vili ha tautolu anoiha. To hūhū atu ki a koe:

- ko e manako nakai a koe ke tumau e MMP po ke hiki ke e taha pūhala vili foki; mo e
- ko e pūhala fē mai he tau pūhala vili ne fā kua manako a koe ki ai kaeke kua fifili a Niu Silani ke hiki mai he MMP.

MANAKO KE ILOA ATU FOKI? • Telefoni ai totogi 0800 36 76 56 • www.elections.org.nz • www.ivotenz.org.nz

Fakapūloa e tala. Talaage ke he haau a tau kapitiga mo e magafaoa e mukamuka he fakamau vili mo e vili. Ke moua falu a talahauaga ke he viliaga mo e fakamauaga vili ke he falu a vahagau kehekehe, finatu ke he www.elections.org.nz